

## Universitätsbibliothek Paderborn

**Francisci Baconi Baronis de Verulamio, Vice-Comitis S.  
Albani, Summi Angliæ Cancellarii, Opera omnia, Quæ  
extant: Philosophica, Moralia, Politica, Historica ...**

**Bacon, Francis**

**Francofurti ad Moenvm, 1665**

Francisci De Verulamio Instauratio Magna. Præfatio.

**urn:nbn:de:bvb:12-bsb10497643-5**

Serenissimo Potentissimoque  
Principi ac Domino  
nostro,  
**J A C O B O,**  
DEI GRATIA  
Magna Britannie, Francie & Hibernie  
Regi, Fidei Defensori, &c.  
Serenissime Potentissimeq; Rex,

**P**oterit fortasse Majestas Tua me furti incusare, quod tantum Temporis, quantum ad hæc sufficiat, Negotiis tuis suffusatus sum. Non habeo quod dicam. Temporis enim non sit Restitutio: nisi forte quod detractum fuerit Temporis Rebus tuis, id Memoriae nominis tui, & Honori Seculi tui reponi possit; si modo hæc alicujus sint pretii. Sunt certe prolus nova; etiam toto genere: sed descrip-  
ta ex veteri admodum exemplari, Mundo scilicet ipso, & Natura Rerum & Mentis. Ipse certe ( ut in-  
genue fatear ) soleo aetate hoc Opus magis pro parte Temporis, quam ingenii. Illud enim in eo  
solummodo mirabile est; Initia Rei, & tantas de iis quæ invalueunt Suspiciones, alicui in mentem ve-  
nire potuisse. Cetera non illibenter sequuntur. At versatur proculdubio Casu ( ut loquimur ) &  
quiddam quasi Fortuitum, non minus in iis, quæ cogitant Homines, quam in iis quæ agunt aut loquun-  
tur. Verum hunc Calum ( de quo loquer) ita intelligi volo, ut si quid in his, quæ affero, sit boni, id  
immensa misericordia & Bonitati divinæ, & Felicitati Temporum tuorum tribuatur: Cui & vivus in-  
tegerrimo affectu servivi, & mortuus fortasse id effecero, ut illa Posteritati, nova hac accensa face in Phi-  
losophiæ tenebris, prælucere possint. Merito autem Temporibus Regis omnium sapientissimi & do-  
cillimi Regeneratio ista & Instauratio Scientiarum debetur. Supereft Petilio, Majestate tua non indi-  
gna; & maxime omnium faciens ad id quod agitur. Ea est, ut quando Salomonem in plurimis referas,  
Judiciorum gravitate, Regno pacifico, Cordis latitudine, Librorum denique, quos compoisti, nobili  
varietate: etiam hoc ad ejusdem Regis exemplum addas, ut eures Historiam Naturalem & Experi-  
mentalem, veram & severam, (missis Philologis) & quæ sit in Ordine ad condendam Philosophiam, deni-  
que qualis suo loco describemus, congeri & perfici: Ut tandem post tot Mundis etates Philosophia &  
Scientia non sint amplius peniles & aceræ, sed solidis Experienciae omnigenæ e Jusdemq; bene penitatem  
nitantur fundamentis. Evidem Organum præbui, verum Materies e Rebus Ipsiis petenda est. Deus  
Opt. Max. Majestatem Tuam diu servet incolumenti.

Serenissimæ Majestati Tuae

Servus Devotissimus & Devotissimus

**FRANCISCUS VERULAM,**  
CANCELLARIUS.

**FRANCISCI**  
De  
**VERULAMIO**  
**INSTAVRATIO MAGNA.**

P R A E F A T I O.

*De scientiis, quibus non sit felix, aut majorum in modum auxilius; quodque alia omnino, quam priore-  
bus cognita fuerit, via aperienda sit Intellectui humano. & alia comparanda auxilia, ut mens suo jure  
in rerum Naturam uti posset.*

**V**identur nobis homines, nec opes nec vires suas bene nosse, verum de illis majora quam par est,  
de his minora credere. Ita fit, ut aut artes receptas insanis preiis estimantes, nil amplius que-  
rant; aut seipso plus æquo contentemtes, vires suas in levioribus constituant, in iis, quæ ad summam  
rei faciant, non experiantur. Quare sunt & sua Scientiis Columnæ, tanquam fatales; cum ad ulterius  
generalia

penetrandum homines nec desiderio, nec spe excitentur. Atque, cum opinio copia inter maximas causas inopia sit; quumque ex fiducia praesentium, vera auxilia negligantur in posterum; ex usu est, & plane ex necessitate, ut ab illis quae adhuc inventa sunt, in ipso operis nostri limine (idque reliquis ambigibus, & non dissimilanter) honoris & admirationis excessus tollatur; utili monito, ne homines eorum aut copiam, aut utilitatem, in majus accipiunt, aut celebrant. Nam si quis in omni illam librorum varietatem, qua Artes & Scientiae exsultant, diligentius introspicat, ubique inveniet ejusdem rei repetitio-nes infinitas, tractandi modis diversas, invenzione preoccupatas; ut omnia primo intuitu numerosa, factio examine pauca reperiantur. Et de utilitate dicendum est, Sapientiam istam, quam a Graecis potissimum hausimus, pueritiam quandam Scientiae videt, atque habere quod proprium est puerorum; ut ad garriendum prompta, ad generandum invalida & immatura sit. Controversiarum enim fata, opere-rum esse: a est. Adeo ut Fabula illa de Scylla in literarum statum, qualis habetur, ad vivum quadrare videatur, que virginis os & vultum extulit, ad uterum vero monstra latrantia succingebantur & adha-rebant. Ita habent & Scientiae, quibus insuevimus, generalia quedam blandientia, & speciosa, sed cum ad particularia ventum est, veluti ad partes generationis, ut fructum & opera ex se edant, tum contentio-nes & oblatrantes disputationes exortiuntur, in quas desinunt, & que partus locum obtinent. Præter-ea, si hujusmodi Scientiae plane res mortua non essent, id minime videtur eventurum fuisse, quod per multa iam saecula usu venit, ut illæ suis immota fere hærent vestigiis, nec incrementa genere humano digna sument: eo usque, ut si penumero non solum allertio maneat allertio, sed etiam quæstio maneat quæstio, & per disputationes non solvatur, sed figatur, & alatur; omnisque traditio & successio discipli-natum repræsentet & exhibeat personas Magistri & Auditoris, non Inventoris, & ejus qui inventis ali-quiad exumium adjiciat. In artibus autem mechanicis contrarium evenire videmus. Quæ, ac si aura cuiusdam vitalis forent participes, quotidie crescent & perficiuntur; & in primis authoribus rudes ple-tunque & fere onerosæ & informes apparent, postea vero novas virtutes & commoditatæ quandam adipiscuntur, eo usque, ut citius studia hominum & cupiditates deficiant & mutentur, quam illæ ad cul-men & perfectionem suam pervenerint. Philosophia contra, & Scientiae Intellectuales, statuorum mo-re adorant & celebrantur, sed non promoverantur. Quæ in etiam in primo nonnunquam authore ma-xime vigent, & deinceps degenerant. Nam postquam homines dediticii facti sunt, & in unius senten-tiam (tanquam pedarii Senatores) coierunt, Scientiæ ipsis amplitudinem non addunt, sed in certis au-thoribus ornandis & stipendiis servili officio funguntur. Neque illud afferat quispiam; Scientias pau-latim succrescentes, tandem ad statum quandam pervenisse, & tum demum ( quasi confectis spatiis legi-timis) in operibus paucorum sedes fixas posuisse; atque postquam nil melius inventi potuerit, restare feliciter, ut quæ inventa sint, exornentur, & colantur. Atque optandum quidem est, hæc ita se habui-se. Rectius illud, & verius; istas Scientiarum mancipaciones nil aliud esse, quam rem ex pancorum ho-minum confidentia, & reliquorum locordia & inertia natam. Postquam enim Scientiae per partes dili-genter fortasse exculta & tractata fuerunt, tum forte exortus est aliquis, ingenuo audax, & propter Me-thodi compendia acceptus, & celebratus, qui specie tenuis Artes constituerat, revera veterum labores corrupuerat. Id tamen postteris gratum esse solet, propter ultimam operis expeditum, & inquisitionis no-væ tardium, & impatientiam. Quod si quis, conueniū jam in veterato, Tanquam Temporis judicio mo-veatur, sciat, se ratione admodum fallaci & infirmari. Neque enim nobis magna ex parte notum est, quid in Scientiis & Artibus, variis saeculis & locis, innoverit, & in publicum emanavit; multo mi-nus, quid à singulis tentatum sit & secreto agitatum. Itaque nec Temporis Partus, nec Abortus extant in Fastis. Neque ipse consensus, ejusque diuturnitas, magni prorsus æstimandus est. Ut cunque enim varia sint genera Politiarum, unicus est status Scientiarum, iisque semper fuit & mansurus est popularis. Atque apud populum plurimum vigent doctrinæ, ut contentiose & pugnaces, aut speciosæ & inanes; quales videlicet assensum aut illaqueant, aut demolcent. Itaque maxime ingenia proculdubio per fin-igulas etates vim passa sunt; dum viri capti & intellectu non vulgares, nihil feciunt exultationi sua con-sulentes, temporis & multititudinis judicio se submiserunt. Quamobrem arctiores Contemplationes si forte usquam emicuerint, opinionum vulgarium ventis subinde agitata sunt, & extinctæ: Adeo ut Tempus, tanquam fluvius, levia & inflata ad nos devexerit, gravia & tolida demiserit. Quin & illi ipsi authores, qui dictaturam quandam in Scientiis invaserunt, & tanta confidentia de rebus pronuntiant; cu-tamen per intervalla ad se redeunt, ad querimonias de subtilitate Naturæ, veritatis recessibus, rerum ob-scuritate, Causalium implicatione, ingenii humani infirmitate, se convertunt: in hoc nihil tamen mo-destiores, cum malint communem hominum & rerum conditionem causalis, quam de se ipsis confiteri. Quin illis hoc fere solende est, ut quicquid Ars aliqua non attingat, id ipsum ex eadem arte impossibile esse statuant. Neque vero damnari potest Ars, quum ipsa discepit, & judicit. Itaque id agitur, ut ignorantia etiam ab ignominia liberetur. Atque quæ tradita atque recepta sunt, ad hunc fere modum se habent: quoad opera sterilia, quæctionum plena; incrementis suis tarda & languida; perfectionem in toto simulantis, sed per partes male impleta; delectu autem populatio, & authoribus ipsis suspecta, ideoque artificis quibusdam munera, & ostentata. Qui autem & ipsi experiri, & se Scientiis addere, ea-rumque fines proferre statuerunt, nec illi à receptis prorsus deciscere ausi sunt, nec fontes rerum pete-re. Verum se Magnum quiddam consequitos putant, si aliquid ex proprio inserant, & adjiciant; pro-denter secum reputantes, se in assentendo modestiam, in adjicendo libertatem tueri posse. Verum dum opinionibus & moribus consuluntur, mediocritates istæ laudatae in magnum Scientiarum detrimen-tum cedunt. Vix enim datur, authores simul & admirati, & superare. Sed si aquarum more, quæ non altius ascendunt, quam ex quo descenderunt, Itaque hujusmodi homines emendant nonnulla, sed patrum promoyent, & proficiuntur melius, non in majus. Neque tamen defuerunt, qui ausu maiore omnia integra

integra sibi duxerunt, & ingenii impetu usi, priora prosternendo, & destruendo, aditum sibi & placitis suis fecerunt; quorum tumultu non magnopere prosectorum est; quum Philosophiam & Artes non re ac opere amplificate, sed placita tantum permutare, atque regnum opinionum in se transferre contendent; ex quo sane fructu, quum inter errores oppositos, errandi cause sint fere communes. Si qui autem nec alienis, nec propriis placitis obnoxii, sed libertati faventes, ita animati fuere, ut alios secum simul querere cuperent. Illi sane affectu honesti, sed conatu invalidi fuerunt. Probabiles enim tantum rationes sequi videntur, & argumentorum vestigia circumaguntur, & promiscua querendi licentia severitatem inquisitionis enervarunt. Nemo autem reperitur, qui in rebus ipsis, & experientia, moram fecerit legitimam. At quoniam nulli turpis qui experientia undis le commiserit, & fere Mechanici facti sunt; tamen ipsa experientia Erraticam quandam inquisitionem exercit, nec ei certa lege militant. Quoniam & plerique posilla quedam pensa sibi proposuerunt, pro magno ducentes, si usum aliquod inventum eruer possint; instituto non minus tenui quam imperito. Nemo enim rei alicuius naturam in ipsa recte aut feliciter perscrutatur; verum post laboriosam experimentorum variationem non acquiescit, sed invenit quod ulterius querat. Neque illud in primis omittendum est, quod omnis in expiendo industria statim ab initio opera quedam destinata prepropero & intempestivo studio captavit. Fructifera (inquam) Experimenta, non Lucifera, quesivit; nec ordinem divinum imitata est, qui primo die lumentum creavit, eique unum diem integrum attribuit, neque illo die quicquam materiati operis produxit, verum sequentibus diebus ad ea decedit. At qui summas Dialectica partes tribuerunt, atque inde fidissima Scientis praefidia comparati putarunt, verissime & optime viderunt, intellectum humanum sibi permisum, merito suspectum esse debet. Verum infirmorum omnino est malo medicina; nec ipsa mali expers. Siquidem Dialectica que recepta est, licet ad Civilia & Artes, que in sermone & opinione politae sunt; rectissime adhibetur; Natura tamen subtilitatem longo intervallo non attingit, & prenando quod non capit, errores potius stabiendos, & quasi fingendos, ad viam veritati apriendam valuit.

Quare ut, quæ dicta sunt complectantur, non videtur hominibus aut aliena fides, ut industria propria, circa Scientias haec tenus, feliciter illuxisse; præsertim quum & in demonstrationibus & in experientiis adhuc cognitis, patrum sit praefidii. Edificium autem hujus universi, structura sua, intellectui humano contemplanti instar labyrinthi est; ubi tot ambigua viarum, tam fallaces rerum & signorum similitudines, tam obliquæ & implexæ Naturarum spiræ & nodi, undequaque se ostendunt; iter autem, sub incerto sensu lumine, interdum affolente, interdum se condente, per experientia & rerum particuliarum sylvas perpetuo faciendum est. Quin etiam duces itineris (ut dictum est) qui se offerunt, & ipsi implicantur, atque errorum & errantium numerum augent. In rebus tam duris de judicio hominum ex vi propria, aut etiam de felicitate fortuita desperandum est. Neque enim Ingeniorum quantaenam excellentia, neque experiendi alea se plus repetita est, ista vincere queat. Vestigia filo regenda sunt: omnibusque via usque à primis ipsis sensuum perceptionibus certa ratione munienda. Neque hæc ita accipienda sunt, ac si nihil omnino tot seculis tantis laboribus actum sit. Neque enim eorum que inventa sunt, nos penitus. Atque antiqui certe in iis, quæ in ingenio & meditatione abstracta posita sunt, mirabiles se viros præstiterent. Verum, quemadmodum seculis prioribus, cum homines in navigando per stellarum tantum observationes cursum dirigebant, veteris sane Continentis oras legere potuerunt, aut maria aliqua minora & mediterranea trajicere; priusquam autem Oceanus trajiceretur, & novi Orbis regiones detergerentur, necesse fuit, usum acus nauticæ, ut ducem viæ magis fidum, & certum, innotuisse: limili proflus ratione, quæ hucusque in Artibus & Scientiis inventa sunt, ea hujusmodi sunt, ut usu, meditatione, observando, argumentando, repertii poterint; utpote quæ sensibus propria sint, & communibus rationibus ut fere subjaceant: antequam vero ad remotione & occultiora Naturæ liceat appellere, necessario requiritur, ut melior & profectior mentis & Intellectus humani usus & ad operationem introducatur.

Nos certe æterno Veritatis amore devicti, viatum incertis & ardulis, & solitudinibus, nos commisimus; & Divino auxilio freti & innixi, mentem nostram, & contra opinionum violentias & quasi instratas acies, & contra proprias & internas hasitationes & scrupulos, & contra rerum caligines, & nubes, & undequaque volantes phantasias, sustinuimus; ut tandem magis fides & secura indicia viventibus & posteris comparare possemus. Quia in re si quid profecerimus, non alia sane ratio nobis viam aperuit, quam vera & legitima spiritus humani humilitatio. Omnes enim ante nos, qui ad artes inveniendas se applicerunt, conjectis paulisper in res & exempla, & experientiam oculis, statim, quasi inventio nil aliud esset, quam quædam ex cogitatione, spiritus proprios, ut sibi Oracula exhiberent, quodammodo invocarunt. Nos vero inter res castæ & perpetuo verantes, Intellectum longius à Rebus non abstrahimus, quam ut rerum imagines, & radii, (ut in sensu sit) coire possunt; unde sit ut Ingenii viribus & excellentia non multam relinquatur. Atque quam in inveniendo adhibemus humilitatem, eandem & in docendo sequuntur sumus. Neque enim aut Confutationum triumphis, aut antiquitatis advectionibus, aut authoritatis usurpatione quadam, aut etiam obscuritatis velo, aliquam his nostris inventis majestatem imponere aut concilite conanmur; qualia reperi non difficile esset ei, qui nominis suo, non animis aliorum lumen affundere conaretur. Non (inquam) ullam aut vim, aut insidias hominum judiciis fecimus, aut paramus; verum eos ad res ipsas & rerum federa adducimus; ut ipsi videant, quid habeant, quid arguant, quid addant, atque in commune conferant. Nos autem & qua in re, vel male credidimus, vel obdormivimus, & minus attendimus, vel desecrimus in via, & inquisitione abutimus: nihilominus iis modis res nudas & apertas exhibemus, ut errores nostri, antequam Scientiæ massam altius inficiant, notari & separari possint, atque etiam ut facilis & expedita sit laborum nostrorum continuatio. Atque hoc modo, inter Empiricam & Rationalem facultatem (quacum morosa & inauspicata divortia, & repudia,

dia, omnia in humana familia turbavere) conjugium verum & legitimum in perpetuum nos firmasse existimamus.

Quamobrem, quum haec arbitrii nostri non sint; in principio Operis, ad DEUM Patrem, Deum Verbum, Deum Spiritum, preces fundimus humillimas, & ardentissimas, ut humani generis eternitatis memor, & peregrinationis istius vita, in qua dies paucos & malos terimus, novis suis Elegiis, per manus nostras, familiam humanam dotare dicogetur. Atque illud infuper supplices rogamus, ne humana divinis officiant; neve ex referatione viarum sensus, & accensione majore luminis naturalis, aliquid incredulitas & noctis animis nostris erga Divina mysteria obortiatur: sed potius, ut ab intellectu puro, à phantasias & vanitate repurgato, & divinis oraculis nihilominus subito & proflus deditatio, fidei dentur, quae fidei sunt. Postremo, ut Scientiae veneno à serpente infuso, quo animus humanus tumeret & inflatur, deposito, nec altum sapiamus, nec ultra sobrium, sed veritatem in chartate colamus.

Peractis autem votis, ad homines conversi, quædam & salutaria monemus & æqua postulamus. Monemus primum, (quod etiam precati sumus) ut homines sensum in officio, quod Divina continent. Sensus enim (instar Solis) Globi terrestris faciem aperit, cœlestis claudit, & obsignat. Rursus, ne hujuscemodi fugia in contrarium peccent. Quod certe fiet, si naturæ Inquisitionem ulla ex parte veluti Interdicto separata putant. Neque enim pura illa & immaculata Scientia naturalis, per quam Adam nomina ex proprietate rebus imponuit, principium aut occasionem lapsi dedit. Sed ambitionis illa & imperativa Scientiae Moralis, de Bono & Malo dijudicantis, cupiditas, ad hoc, ut Homo à Deo deficeret, & sibi ipsi leges daret, ea demum ratio atque modus tentationis fuit. De Scientiis autem quæ Naturam contemplantur, sanctus ille Philosophus pronuntiat, *Gloriam Dei esse, celare rem; gloriam Regis autem, reminiscere*; non aliter, ac si Divina Natura innocentia & benevolio puerorum ludo delectaretur, ideo se abscondunt ut inventantur, atque animam humanam sibi collusorem in hoc ludo pro sua in homines indulgentia & bonitate, cooptaverit. Postremo omnes in universum monitos volumus, ut Scientiæ veros fines cogitent; nec eam aut animi causa petant, aut ad contentionem, aut ut alios despiciant, aut ad commodum, aut ad famam, aut ad potentiam, aut hujusmodi infectoria; sed ad meritum. & usus vita, tamque in charitate perficiant, & regant. Ex appetitu enim Potentiae, Angeli lapsi sunt; ex appetitu Scientiæ, homines; sed Charitatis non est Excellus; neque Angelus, aut Homo, per eam unquam in periculum venit.

Postulata autem nostra, quæ afferimus, talia sunt. De nobis ipsis filemus: De te autem quæ agitur, petimus, ut homines eam non Opinionem, sed Opus esse cogitent; ac pro certo habeant, non Seceant nos alicius, aut Placiti, sed utilitatis & amplitudinis humanæ fundamenta moliri. Deinde, ut suis cōmodis æqui, exutis opinionum zelis & prejudiciis, in commune consulant, ac ab erroribus viarum atque impedimentis, nostris præsidis & auxiliis, liberari & muniti, laborum, qui restant, & ipsi in partem veniant. Præterea, ut bene sperent, neque *Instaurationem* nostram, ut quidam infinitum, & ultra mortale, fingant, & animo concipiant; quum revera sit infiniti erroris suis, & termino legitimus; mortalitatis autem, & humanitatis, non sit immemor; quum rem non intra unius ætatis curriculum omnino perfici posse confidat, sed successioni destinet; denique Scientias, non per arrogantiam in humani Ingenii celebriter, sed submisse in mundo majore quærat. Vasto vero, ut plurimum solent esse, quæ inanias: solidâ contrahuntur maxime, & in parvo sita sunt. Postremo etiam petendum videtur, (ne forte quis rei ipsius periculo nobis iniquus esse velit) ut videant homines, quatenus ex eo, quod nobis assere necesse sit, (si modo nobis ipsi constare velimus) de his nostris opinandi, aut sententiam ferendi, sibi jus permisum patient: quum nos omnem istam rationem humanam præmaturam, anticipantem, & à rebus temere, & citius quam oportuit, abstractam, (quatenus ad inquisitio rem Naturæ (ut rem variam, & perturbatam, & male extructam, rejiciamus. Neque postulandum est, ut ejus iudicio stetur, quæ ipsa in judicium vocatur.